

UN BAA... SARAJEVO  
 28.09.2007. poštom (obično preporučeno)  
 120 god. u 10 primjerku sa  
 720/11 rubrika.  
 Preduto poštom preporučeno na recepta dana  
 10 godina. Bosna i Hercegovina  
 Pismo takođe poslano u skladu sa  
 nedostaje takca Posredni postupak  
 Primijene vrijednosti (u skladu sa  
 Sarajevo, 27.09.2007. godine  
 Cvrković, sudnik suda  
 M. Cvrković

Svo B.ii. Cvrk. B.ii.  
 Kriminalno odjeljenje i prekršajno odjeljenje  
 Kriminalno odjeljenje i prekršajno odjeljenje  
 Odsjek I. Odsjek II. Odsjek I. Odsjek II.  
 Odsjek za sudsko upravljanje Odsjek za sud. pr. predst.  
 x KRO/06/243  
 (10 primjerku) 13 (Slj. C. 13.)  
 1.1 Janjić, Cvrk. reg. 14.03.  
 28-09-2007  
 [Signature]

**SUD BOSNE I HERCEGOVINE**  
 Odsjek I za ratne zločine Kaznenog odjela Suda  
 Sudiji za prethodno saslušanje  
 S a r a j e v o

Na temelju odredbe člana 35. stav 2. tačka b) i člana 226. stav 1. Zakona o  
 kaznenom postupku Bosne i Hercegovine, podižem

**OPTUŽNICU**

Protiv:

1. LAZAREVIĆ SRETENA, sin Žarka i majke Savke rođene Jokić, rođen 31.03.1953. godine u selu Ročević, opština Zvornik, gdje je i nastanjen, Srbin, državljanin BiH, po zanimanju KV autolimar, oženjen, otac dvoje djece, nalazi se na slobodi, zastupa ga branilac po izboru, Mičić S. Milan, advokat iz Zvornika,
2. STANOJEVIĆ DRAGANA zv. „Janjić“, sin Drage i majke Ruže rođene Jović, rođen 13.03.1962. godine, u selu Ročević, opština Zvornik, nastanjen u selu Ročević – Kozluk, Srbin, državljanin BiH, oženjen, otac troje djece, nalazi se na slobodi, zastupa ga branilac po izboru, Miloš Perić, advokat iz Zvornika,
3. MARKOVIĆ MILE, zv. „Čigo“, sin Teodora i majke Jevanke, rođene Ristić, rođen 27.09.1952. godine u mjestu Donji Lokanj, opština Zvornik, nastanjen u Zvorniku u ul. Sime Perića br. 83, Srbin, državljanin BiH, po zanimanju konobar – kuhar, udovac, otac dvoje djece, nalazi se na slobodi, zastupa ga branilac po službenoj dužnosti, Nenad Rubež, advokat iz Zvornika,
4. OSTOJIĆ SLOBODANA, sin Dušana, i majke Dragice, r. Bogičević, rođen 08.08.1966. godine u selu Padžine, opština Zvornik, nastanjen u mjestu, Padžine bb, opština Zvornik, Srbin, državljanin BiH, oženjen, otac dvoje djece, po zanimanju geometar, nalazi se na slobodi, zastupa ga branilac po izboru, Stojanović Miodrag, advokat iz Zvornika,

Zbog osnovane sumnje da su:

U vremenskom periodu od maja 1992. do marta 1993. u Zvorniku, za vrijeme oružanog sukoba u BiH, kao pripadnici oružanih snaga Vojske Srpske Republike BiH – Rezervnog sastava policije SJB Zvonik, postupali suprotno odredbama člana 3. i člana 147. IV Ženevske konvencije o zaštiti civilnih osoba za vrijeme rata od 12.08.1949., tako što su:

I LAZAREVIĆ SRETEN, kao zamjenik upravnika u logoru koji se nalazio u zgradi Suda za prekršaje, a kasnije u zgradi DP „Novi Izvor“, činio i pomagao, te nije sprečavao niti kažnjavao namjerno nanošenje snažnih tjelesnih bolova i pami i pljačkanje protivzakonito zatvorenih civila, jer je:

1. Sredinom maja 1992. godine, u zgradi Suda za prekršaje, bio prisutan kada je neidentifikovana osoba snažno pretukla zatvorenika [REDACTED] policijskom palicom, a da to ni na koji način nije spriječio, već sa takvim postupkom saglasio.
2. Dana 19.05.1992. godine, u zgradi Suda za prekršaje, naredio zatvorenicima [REDACTED] da mu predaju sva dokumenta, novac i druge vrijednosti, što su ovi i učinili, te mu dali novca u ukupnom iznosu od 5000 DM, za što im nije izdao nikakvu potvrdu, niti im je ovaj iznos ikada vratio, čime je protupravno i samovoljno prisvojio njihovu imovinu.
3. U junu 1992. godine u zgradi DP „Novi Izvor“, nakon što je zatvorenika upitao ko je od njih iz Bratunca, iz prostorije u kojoj su bili zatvoreni, izveo zatvorenika [REDACTED] i predao ga grupi neidentifikovanih civila, čime im je omogućio da ovog zatvorenika snažno pretuku u obližnjoj garaži i da ga muče postavljanjem u takav položaj da visi vertikalno sa nogama prema stropu, a glavom prema podu garaže, nakon čega su ga ubacili u gepek vozila sa kojim su prethodno došli i odvezli se u nepoznatom pravcu, od kada se [REDACTED] gubi svaki trag.
4. U julu 1992. godine u zgradi DP „Novi Izvor“, skupa sa stražarima Marković Miletom i Ostojić Slobodanom, pretukao zatvorenike [REDACTED] od kojih udaraca je [REDACTED] izgubio svijest.
5. U ljeto 1992. godine u zgradi DP „Novi Izvor“, bio prisutan kada je grupa stražara, među kojima i Ostojić Slobodan, snažno pretuko zatvorenike [REDACTED] zbog navodnog pokušaja bjekstva, a da to ničim nije spriječio već se sa takvim postupkom saglasio.
6. Tačno neutvrđenog dana, bez ikakvog povoda i razloga, snažno ošamario zatvorenika [REDACTED]

7. U naznačenom periodu u više navrata, dozvoljavao da u zatvorske prostorije ulaze neovlaštene osobe – grupe srpskih vojnika zv. „Gogićeveci“ i dr., tako što im je sam otključavao vrata, ili dopuštao drugim stražarima da to nekažnjeno čine, čime je omogućavao da te osobe muče i zlostavljaju zatvorenike i da im nanese teške povrede tjelesnog integriteta, pa su tako:

- a) Tačno neutvrđenog dana, neidentifikovani vojnici fizički zlostavljali zatvorenike [REDACTED] te im noževima urezivali krst na čelo.
- b) Tačno neutvrđenog dana, neidentifikovani vojnici, zatvorenike seksualno zlostavljali tako što su ih prisilili da jedni drugima stavljaju palni organ u usta, pa su između ostalog prisilili zatvorenika [REDACTED] da to čini drugom zatvoreniku neutvrđenog identiteta, Romske nacionalnosti.
- c) Tačno neutvrđenog dana neidentifikovani vojnici prisilili zatvorenike – braću [REDACTED] da se međusobno tuku što juče, tjerajući njihovog oca – [REDACTED] da to posmatra.

**II STANOJEVIĆ DRAGAN**, kao stražar u logoru koji se nalazio u zgradi Suda za prekršaje, a kasnije u zgradi DP „Novi Izvor“, činio i poticao namjerno nanošenje snažnih tjelesnih bolova i patnji protivzakonito zatvorenim civilima, jer je:

1. U više navrata otključavao zatvorske prostorije i time omogućavao grupama srpskih vojnika da muče i zlostavljaju zatvorenike, te ih je na to poticao tako što im je pokazivao na zatvorenika [REDACTED] govoreći da je ta osoba koju je ranila jednog Srbina, a u junu 1992. godine u zgradi DP „Novi Izvor“, na isti način omogućio i potakao jednu grupu vojnika koje je predvodio izvjesni „Saša“ da pretuku zatvorenika [REDACTED] što su ovi i učinili, tako što su ga oborili na pod i skakali mu po ledima, nanoseći mu teške povrede tjelesnog integriteta.

2. Tačno neutvrđenog dana snažno pretukao zatvorenika [REDACTED] policijskom palicom, zbog čega je isti pao u nesvijest, te ga tako premlaćenog bacio u prstoiju među ostale zatvorenike govoreći „evo vam vaših Zelenih beretki“, od kojih povreda je [REDACTED] bio u nesvjesnom stanju dva do tri dana.

3. U septembru 1992. godine, snažno pretukao zatvorenika [REDACTED] starca u dobi od 90. godina, jer mu je isti rekao da želi uzeti „abdest“ kako bi obavio vjerski obred klanjanja,

**III MARKOVIĆ MILE**, kao stražar u logoru koji se nalazio u zgradi Suda za prekršaje, a kasnije u zgradi DP „Novi Izvor“, činio namjerno nanošenje snažnih tjelesnih bolova i

patnji protivzakonito zatvorenim civilima, jer je:

1. U julu 1992. godine u zgradi DP „Novi Izvor“ skupa sa stražarom Ostojić Slobodanom i zamjenikom upravnika Lazarević Sretenom, snažno pretukao zatvorenike [REDACTED] od kojih udaraca je [REDACTED] izgubio svijest.
2. U septembru 1992. godine u zgradi DP „Novi Izvor“ skupa sa osobom po imenu Brane, snažno pretukao zatvorenika [REDACTED] nanoseći mu udarce po cijelom tijelu, te ga prisiljavajući da drži ruke ispred lica kako krv nebi prskala naokolo.

**IV OSTOJIĆ SLOBODAN**, kao stražar u logoru koji se nalazio u zgradi Suda za prekršaje, a kasnije u zgradi DP „Novi Izvor“, činio namjerno nanašenje snažnih tjelesnih bolova i patnji protivzakonito zatvorenim civilima, jer je:

1. U julu 1992. godine u zgradi DP „Novi Izvor“ skupa sa stražarom Marković Miletom i zamjenikom upravnika Lazarević Sretenom, snažno pretukao zatvorenike [REDACTED] od kojih udaraca je [REDACTED] izgubio svijest, a kada je došao sebi, natjerao ga da briše krv sa poda.
2. U ljeto 1992. u zgradi DP „Novi Izvor“, skupa sa grupom stražara čiji identitet nije uvršten, a u prisustvu zamjenika upravnika Lazarević Sretena, snažno pretukao [REDACTED] zbog navodne sumnje da su pokušali pobjeći iz logora

Dakle, za vrijeme rata u Bosni i Hercegovini i u vrijeme oružanog sukoba između jedinica Vojске Srpske Republike BiH i Armije R BiH, kršeći pravila međunarodnog humanitarnog prava sudjelovali u nanašenju snažnih tjelesnih bolova i patnji zatvorenim civilima.

Čine su počiniteli:

- Lazarević Sreten, pod tačkom I – 1, 2, 3, 4, 5, i 6, krivično djelo Ratni zločin protiv civilnog stanovništva iz člana 173. stav 1. tačka c) i f) u vezi članova 29. i 31. Krivičnog zakona Bosne i Hercegovine u vezi sa članom 180. stav 2. Krivičnog zakona Bosne i Hercegovine.
- Stanojević Dragan, pod tačkom II – 1, 2, i 3, krivično djelo Ratni zločin protiv civilnog stanovništva iz člana 173. stav 1. tačka c) u vezi člana 30. Krivičnog zakona Bosne i Hercegovine.
- Marković Mile, pod tačkom III – 1 i 2, krivično djelo Ratni zločin protiv civilnog stanovništva iz člana 173. stav 1. tačka c) u vezi člana 29. Krivičnog zakona Bosne i Hercegovine.

- *Ostojić Slobodan, pod tačkom IV – 1 i 2, krivično djelo Ratni zločin protiv civilnog stanovništva iz člana 173. stav 1. tačka c) u vezi člana 29. Krivičnog zakona Bosne i Hercegovine.*

*Radi toga stavljam*

**P R I J E D L O G**  
*za izvođenje dokaza*

*I Da se saslušaju svjedoci:*

- 1.
- 2.
- 3.
- 4.
- 5.
- 6.
- 7.
- 8.
- 9.
- 10.
- 11.
- 12.
- 13.

*II Da se izvrši uvid u:*

- *Odluku o proglašenju neposredne ratne opasnosti Predsjedništva R BiH od 8. aprila 1992.g. (Sl. List R BiH br. 1/92),*
- *Odluku o proglašenju ratnog stanja Predsjedništva R BiH od 20. juna 1992.g. (Sl. List R BiH br. 7/92).*
- *Dopis SJB Zvornik broj: 12-1-01-1-207-4037/06 od 07.06.2006. godine,*
- *Izvod iz knjige nestalih osoba MCKC za [REDACTED]*
- *Izvod iz knjige nestalih osoba MCKC za [REDACTED]*
- *Spisak radnika milicije SJB Zvornik koji rade u zatvoru broj: 01328578,*
- *Spisak isplata ličnog dohotka za mjesec VII 1992. godine. Srpske Republike Srpske opštine Zvornik broj: 01328577,*
- *Spisak zatvorenika Opštinskog zatvora Zvornik koji su otišli u razmjenu dana 10.01.1993. godine,*
- *Spisak zatvorenika Opštinskog zatvora Zvornik koji se nalazi u zatvoru na dan 21.01.1993. godine,*
- *Službena zabilješka sačinjena od strane stražara Marković Mileta i Petrović*

- Dragana,*
- *Spisak lica koja se predaju Sibirnom centru Batković od 12.02.1993. godine,*
  - *Medicinska dokumentacija JZU Dom zdravlja Živinice od 17.05.2007. godine na ime*  
*[REDACTED]*
  - *Izvod iz kaznene evidencije SJB Zvornik br. 12-1/02-233-5016/07 od 29.08.2007.g. za osumnjičene Lazarević Sretena, Stanojević Dragana, Marković Mileta i Ostojić Slobodana.*

## REZULTAT ISTRAGE

*Nakon odluke Suda BiH broj X-KRN 06/243 od 18.08.2006.g., o rješavanju sukoba nadležnosti između Kantonalnog suda u Tuzli i Suda BiH, ovo Tužiteljstvo je otvorilo istragu protiv osumnjičenih Lazarević Sretena, Stanojević Dragana, Marković Mile, Petrović Dragana, Ostojić Slobodana i Jović Miloša, zbog sumnje da su počinili krivično djelo Ratni zločin protiv civilnog stanovništva iz člana 173. KZ BiH, prihvatajući pri tome određene istražne radnje provedene od strane Kantonalnog Tužiteljstva Tuzlanskog kantona. Nakon ispitivanja osumnjičenih i provođenja drugih istražnih radnji, istraga je obustavljena u odnosu na osumnjičene Petrović Dragana i Jović Miloša, jer na osnovu čl. 224. st. 1. tač. b. ZKP BiH, nema dovoljno dokaza da su učinili krivično djelo.*

*Rezultat provedena istrage na nedvojbeni način potvrđuje osuđenost ove optužnice tj. da su osumnjičeni počinili krivično djelo Ratni zločin protiv civilnog stanovništva iz člana 173. KZ BiH i to:*

- *Osumnjičeni Lazarević Sreten, krivično djelo Ratni zločin protiv civilnog stanovništva iz člana 173. stav 1. tačka c) i f) u vezi članova 29. i 31. Krivičnog zakona Bosne i Hercegovine u vezi sa članom 180. stav 2. Krivičnog zakona Bosne i Hercegovine,*
- *Osumnjičeni Stanojević Dragan, krivično djelo Ratni zločin protiv civilnog stanovništva iz člana 173. stav 1. tačka c) u vezi člana 30. Krivičnog zakona Bosne i Hercegovine,*
- *Osumnjičeni Marković Mile, krivično djelo Ratni zločin protiv civilnog stanovništva iz člana 173. stav 1. tačka c) u vezi člana 29. Krivičnog zakona Bosne i Hercegovine,*
- *Osumnjičeni Ostojić Slobodan, krivično djelo Ratni zločin protiv civilnog stanovništva iz člana 173. stav 1. tačka c) u vezi člana 29. Krivičnog zakona Bosne i Hercegovine.*

*Iz činjeničnog stanja utvrđenog u istrazi koje je zasnovano kako na objektivnim dokazima, tako i na iskazima saslušanih svjedoka, proizilazi da su osumnjičeni za vrijeme sukoba u BiH, kao pripadnici oružanih snaga Vojske Srpske Republike BiH postupali suprotno odredbama člana 3. IV Ženevske konvencije o zaštiti civilnih osoba za vrijeme rata od 12.08.1949. godine jer su činili, pomagali, odnosno poticali, a osumnjičeni*

*Lazarević Sreten nije sprječavao, niti kažnjavao, namjerno nanošenje snažnih tjelesnih bolova i patnji civilima koji su bili zatvoreni u zgradi Suda za prekršaje u Zvorniku, a potom u zgradi DP „Novi izvor“.*

*Da je u kritičnom periodu postojao oružani sukob na području BiH, nesporno proizilazi iz Odluke o proglašenju neposredne ratne opasnosti Predsjedništva R BiH od 8. aprila 1992.g. (Sl. List R BiH br. 1/92) i Odluke o proglašenju ratnog stanja Predsjedništva R BiH od 20. juna 1992.g. (Sl. List R BiH br. 7/92), kao i iz iskaza saslušanih svjedoka.*

*Da su svi osumnjičeni bili pripadnici Vojske Srpske Republike Bosne i Hercegovine – rezervnog sastava SJB Zvornik, proizilazi iz Dopisa SJB Zvornik broj:12-1-01-1-207-4037/06 od 07.06.2006. godine.*

*Da se u konkretnom slučaju radi o protivzakonito zatvorenim civilima, potvrđuju svi svjedoci u svojim iskazima, u kojima opisuju kada su i na koji način lišeni slobode i potom zatvoreni u zgradi Suda za prekršaje u Zvorniku, odnosno u zgradi DP „Novi izvor“, a da im nikada nisu uručena nikakva rješenja o lišenju slobode i pritvaranju, niti je protiv njih vođen kakav postupak.*

*Također je nedvojbeno da su svi osumnjičeni bili svjesni svojih djela i da su htjeli njihovo izvršenje.*

*Prije svega, osumnjičeni Lazarević Sreten, kao aktivni policajac, a ostali osumnjičeni, kao pripadnici rezervnog sastava policije, imali su punu svijest o tome da su civili u zatvoru nezakonito zatvoreni, jer niko od tih civila nije lišen slobode po zakonskom osnovu, niti je protiv istih vođen bilo kakav postupak, već su zatvoreni isključivo zbog svoje nacionalne pripadnosti. Također su bili svjesni da bilo kakvo zlostavljanje zatvorenika bilo s njihove strane, bilo od strane drugih osoba, predstavlja krivično djelo, a u uvjetima neposredne ratne opasnosti i ratnog stanja – da takvo činjenje, odnosno, propuštanje, predstavlja bitna obilježja krivičnog djela ratnog zločina.*

*Osumnjičeni Lazarević Sreten u svojoj odbrani priznaje da je bio pripadnik rezervnog sastava policije u kritičnom periodu te da je obavljao dužnost komandira straže u zatvoru koji je bio smješten u zgradi suda za prekršaje u Zvorniku, a potom u zgradi DP „Novi izvor“. Poznato mu je da su u zatvor dolazila razne grupe vojnika, pripadnika paravojskih jedinica koji su zlostavljali zatvorenike, ali se brani da ni on, ni ostali stražari nisu imali mogućnosti da to spriječe. Također mu je poznato da je zatvorenika [REDACTED] jedne prilike istukla neidentifikovana osoba, da su braću [REDACTED] također tukli neidentifikovani vojnici, kao i niz drugih događaja, ali u cijelosti poriče da je on lično učestvovao u bilo kakvom zlostavljanju zatvorenih civila, čime poriče i izvršenje krivičnog djela za koje se sumnjiči.*

*Međutim, dio njegove odbrane u kojem poriče da je počinio radnje za koje se sumnjiči, opovrgnut je dokazima prikupljenim u israzi i to:*

-da je bio prisutan kada je neidentifikovana osoba pretukla zatvorenika [REDACTED] a da to ničim nije spriječio, potvrđuje u svom iskazu svjedok oštećeni [REDACTED] čiji iskaz je potvrđen iskazom svjedoka [REDACTED] (tačka I-1. optužnice);

-da je protivpravno i samovoljno prisvojio imovinu [REDACTED] potvrđuje u svom iskazu svjedok oštećeni [REDACTED] (tačka I-2. optužnice);

-da je zatvorenika [REDACTED] predao grupi neidentifikovanih osoba koje su ga pretukle i odvele u nepoznatom pravcu, od kada mu se gubi trag, potvrđuju svjedoci [REDACTED] a njihovi iskazi su potkrijepljeni svjedočenjima [REDACTED] (tačka I-3. optužnice)

-da je skupa sa osumnjičenima Marković Miletom i Ostojić Slobodanom pretukao zatvorenike [REDACTED] potvrđuje u svom iskazu svjedok [REDACTED] a njegov je iskaz potkrijepljen priloženom medicinskom dokumentacijom (tačka I – 4. optužnice);

-da je bio prisutan, a ničim nije spriječio kada je grupa stražara pretukla zatvorenike [REDACTED] potvrđuju u svojim iskazima svjedoci [REDACTED] (tačka I – 5. optužnice);

-da je bez povoda i razloga udario zatvorenika [REDACTED] potvrđuje u svom iskazu ovaj svjedok (tačka I – 6. optužnice);

-da je u više navrata dopuštao da neovlaštene osobe ulaze u zatvor i zlostavljaju zatvorenike, potvrđuju svjedoci [REDACTED] a njihovi iskazi su potkrijepljeni svjedočenjima [REDACTED]

Osumnjičeni Stanojević Dragan je iskoristio svoje zakonsko pravo da se brani šunjom.

Međutim, prikupljeni dokazi u istrazi potvrđuju osnovanu sumnju da je počinio krivično djelo za koje ga tereti optužnica i to:

- da je u više navrata otključavao zatvorske prostorije i puštao da neovlaštene osobe ulaze u zatvor i zlostavljaju zatvorenike, pri čemu ih je posebno poticao da zlostavljaju zatvorenika [REDACTED] potvrđuju svjedoci [REDACTED] (tačka II – 1. optužnice)

- da je pretukao zatvorenika [REDACTED] potvrđuju svjedoci [REDACTED] (tačka II -2. optužnice);

- da je pretukao zatvorenika [REDACTED] potvrđuju svjedoci [REDACTED] (tačka II – 3. optužnice)

Osumnjičeni Marković Mile u svojoj odbrani priznaje da je bio pripadnik rezervnog sastava policije u kritičnom periodu te da je obavljao dužnost stražara u



zatvoru koji je bio smješten u zgradi suda za prekršaje u Zvorniku, a potom u zgradi DP "Novi izvor". Potvrđuje da je zamjenik upravnika u ovim zatvorima bio osumnjičeni Lazarević Sreten.

U cijelosti poriče da je on lično učestvovao u bilo kakvom zlostavljanju zatvorenih civila, navodi da se ne sjeća zatvorenika [REDACTED] niti [REDACTED] čime poriče i izvršenje krivičnog djela za koje se sumnjači.

Međutim, dio njegovе odbrane u kojem poriče da je počinio radnje za koje se sumnjači, opovrgnut je dokazima prikupljenim u istrazi i to:

- da je skupa sa osumnjičenima Lazarević Sretenom i Ostojić Slobodanom pretukao zatvorenike [REDACTED] [REDACTED] potvrđuje u svom iskazu svjedok [REDACTED] a njegov je iskaz potkrijepljen priloženom medicinskom dokumentacijom (tačka III-1, optužnice);

- da je skupa sa osobom po imenu Brane pretukao zatvorenika [REDACTED] potvrđuje svjedok [REDACTED] (tačka III-2, optužnice).

Osumnjičeni Ostojić Slobodan je iskoristio svoje zakonsko pravo da se brani šutnjom.

Međutim, prikupljeni dokazi u istrazi potvrđuju osnovanu sumnju da je počinio krivično djelo za koje ga tereti optužnica i to:

- da je skupa sa osumnjičenima Lazarević Sretenom i Marković Miletom pretukao zatvorenike [REDACTED] [REDACTED] potvrđuje u svom iskazu svjedok [REDACTED] a njegov je iskaz potkrijepljen priloženom medicinskom dokumentacijom (tačka IV-1, optužnice);

- da je skupa sa grupom stražara pretukao [REDACTED] [REDACTED] potvrđuju ova dva svjedoka (tačka IV – 2, optužnice)

Na osnovu izloženog, smatramo da postoji dovoljno razloga za osnovanu sumnju da su osumnjičeni Lazarević Sreten, Stanojević Dragau, Marković Mile i Ostojić Slobodan, počinili krivična djela koja im se ovom optužnicom stavljaju na teret, zbog čega predlažemo da Sudija za prethodno saslušanje ovu optužnicu u cijelosti potvrdi.

#### PRIJEDLOG

DA SE NA OSNOVU ČLANA 126. ZKP BIH OSUMNJIČENIMA IZREKNU MJERE  
ZA OBEZBJEDENJE PRISUSTVA I USPJEŠNO VODENJE POSTUPKA -  
ZABRANA NAPUŠTANJA BORAVIŠTA

*Tužiteljstvo smatra da je u konkretnom slučaju neophodno da se osumnjičenima: Lazarević Sretenu, Stanojević Draganu, Marković Miletu i Ostojić Slobodanu, svakom poiaosob, a na osnovu člana 126, stav 1. Zakona o krivičnom postupku BiH, izrekne mjera zabrane napuštanja boravišta.*

*Ovo iz razloga što smatramo da postoje okolnosti koje ukazuju da bi osumnjičeni mogli pobjeći, sakriti se, otići u nepoznato mjesto ili u inostranstvo.*

*Naime, iako su se svi osumnjičeni do sada redovno odazivali na pozive Tužilaštva, činjenica je da Lazarević Sreten i Marković Mile poriču izvršenje krivičnog djela za koje se terete, dok se osumnjičeni Stanojević Dragan i Ostojić Slobodan brane šutnjom.*

*U fazi vođenja istrage, još ne postoji takav ozbiljan stepen sumnje protiv osumnjičenih koji bi ih motivirao na bjekstvo ili sakrivanje.*

*Međutim, kada istraga rezultira podizanjem optužnice protiv osumnjičenih, proizilazi i postojanje osnovane sumnje za vjerovanje da su optužene osobe počinile krivično djelo za koje se terete, a u konkretnom slučaju se radi o krivičnom djelu ratnog zločina, sa zapriječenom kaznom zatvora od najmanje 10 godina pa do dugotrajnog zatvora. Iz tog razloga smatramo da postoji opravdana bojazan da bi osumnjičeni po saznanju da je protiv njih podignuta optužnica, mogli pobjeći ili se sakriti u cilju izbjegavanja krivičnog gonjenja, odnosno kažnjavanja.*

*Stoga smatramo neophodnim izricanje predložene mjere, a u cilju obezbjeđenja prisustva optuženih i uspješnog vođenja krivičnog postupka.*

*Pored toga, ukoliko taj Sud prihvati naš prijedlog za izricanje ove mjere, predlažemo da se na osnovu čl. 126, stav 2. ZKP BiH, osumnjičenima zabrani kontakt sa svjedocima navedenim u optužnici, kao i da im naredi povremeno javljanje u SIB Zvornik, u vremenskim periodima koje odredi Sud.*

#### **P R I J E D L O G**

#### **DA SE NA OSNOVU ČLANA 27. ZKP BIH PRENESE VOĐENJE POSTUPKA MJESNO NADLEŽNOM SUDU**

*Ovo Tužiteljstvo smatra da u konkretnom slučaju postoji niz važnih razloga zbog kojih bi vođenje ovog postupka trebalo prenijeti mjesno nadležnom sudu i to:*

##### *1. Razlozi ekonomičnosti :*

- *Svi osumnjičeni imaju prebivalište na području općine Zvornik, kao i njihovi branioci.*

- Većina svjedoka također ima prebivalište na području općine Zvornik, dok su neki od njih sa područja Tuzle ili Lukavca. Samo dva svjedoka imaju prebivalište na području općine Sarajevo. Pored toga, neki od svjedoka su starije životne dobi i bolesni, tako da bi teško podnijeli dolazak pred Sud BiH.

Stoga je očigledno da bi dolazak osumnjičenih, njihovih branilaca, i svjedoka, pred Sud BiH, prouzrokovao značajne troškove.

## 2. Razlozi efikasnosti:

- Činjenica je da su kapaciteti i kadrovska popunjenost kako Tužiteljstva BiH, tako i Suda BiH, u ovom momentu nedovoljni za brzo i efikasno procesuiranje predmeta ratnih zločina, posebno kada se ima u vidu s jedne strane, ogroman broj predmeta u fazi istrage koji zahtijevaju puni angažman tužitelja, a s druge strane, obavezu Suda da za svako suđenje po optužnici za ratne zločine formira sudska vijeće u sastavu od 2 međunarodna i 1 domaćeg suca. Pored toga, svi tužitelji Posebnog odjela za ratne zločine Tužiteljstva BiH, intenzivno rade na okončanju što većeg broja istraga ratnih zločina, pa se može očekivati i podizanje novih optužnica, što bi također opteretilo Sud.

Nasuprot tome, sudovi u Federaciji BiH, odnosno u Republici Srpskoj, nisu opterećeni tolikim brojem predmeta ratnih zločina, kao što je to slučaj na Sudu BiH.

U konkretnom slučaju, ne radi se o kompleksnom predmetu, a radije za koje se terete osumnjičeni su pretežno radnje činjenja, pomaganja i poticanja, dok su posljedice predmetnog krivičnog djela blaže nego što je to kod većine predmeta koji se procesuiraju pred Sudom BiH. Stoga smatramo da bi i mjesno nadležni sud u konkretnom predmetu mogao provesti kvalitetan i efikasan krivični postupak.

Slijedom navedenog, predlažemo da taj Sud temeljem čl. 27. ZKP BiH, donese Rješenje kojim vodenje ovog postupka prenosi na mjesno nadležni sud.

## MATERIJAL KOJI POTKREPLJUJE NAVODE OPTUŽNICE:

1. Zapisnici o ispitivanju osumnjičenog Lazarević Sretena Tužiteljstva BiH broj KT-RZ-154/06 od 15.11.2006. godine, i Tužiteljstva Tuzlanskog kantona broj KT- 586/96 od 03.05.2006. i od 18.05.2006.g.,
2. Zapisnik o ispitivanju osumnjičenog Stanjević Dragana Tužiteljstva BiH broj KT-RZ-154/06 od 13.04.2007. godine,
3. Zapisnik o ispitivanju osumnjičenog Marković Mileta Tužiteljstva BiH broj KT-RZ-154/06 od 16.11.2006. godine, i Tužiteljstva Tuzlanskog kantona broj KT- 586/96 od 05.05.2006. i od 18.05.2006.g.,
4. Zapisnik o ispitivanju osumnjičenog Ostojić Slobodan Tužiteljstva BiH broj KT-RZ-154/06 od 12.04.2007. godine.

5. Zapisnici o saslušanju svjedoka [REDACTED] Tužiteljstva BiH broj KT-RZ-154/06 od 16.05.2007. i od 07.06.2007. i Kantonalnog tužiteljstva Tuzlanskog kantona broj KT-586/96 od 24.01.2006. i od 23.03.2006. godine.
6. Zapisnik o saslušanju svjedoka [REDACTED] Tužiteljstva BiH, broj KT-RZ-154/06 od 01.06.2007. godine.
7. Zapisnik o saslušanju svjedok [REDACTED] Tužiteljstva BiH, broj KT-RZ-154/06 od 25.05.2007. godine.
8. Zapisnik o saslušanju svjedoka [REDACTED] Tužiteljstva BiH, broj KT-RZ-154/06 od 25.05.2007. godine.
9. Zapisnik o saslušanju svjedoka [REDACTED] Tužiteljstva BiH, broj KT-RZ-154/06 od 25.05.2007. godine.
10. Zapisnik o saslušanju svjedoka [REDACTED] Tužiteljstva BiH, broj KT-RZ-154/06 od 24.05.2007. godine.
11. Zapisnik o saslušanju svjedoka [REDACTED] Tužiteljstva BiH, broj KT-RZ-154/06 od 25.05.2007. godine.
12. Zapisnik o saslušanju svjedoka [REDACTED] Državne Agencije za istrage i zaštitu broj: 17-15/3-1-04-2-129/07 od 18.05.2007. godine.
13. Zapisnik o saslušanju svjedoka [REDACTED] Tužiteljstva BiH, broj KT-RZ-154/06 od 24.05.2007. godine.
14. Zapisnik o saslušanju svjedoka [REDACTED] Tužiteljstva BiH, broj KT-RZ-154/06 od 24.05.2007. godine.
15. Zapisnik o saslušanju svjedoka [REDACTED] Kantonalnog Tužilaštva Tuzlanskog kantona broj KT-2273/05 od 23.01.2006. godine.
16. Zapisnik o saslušanju svjedoka [REDACTED] Kantonalnog Tužilaštva Tuzlanskog kantona broj KT-586/96 od 11.02.2006. godine.
17. Zapisnik o saslušanju svjedoka [REDACTED] Kantonalnog Tužilaštva Tuzlanskog kantona broj KT-2273/05 od 12.12.2005. godine i Kantonalnog Tužilaštva Tuzlanskog kantona broj: KT 586/96 od 24.03.2006. godine.
18. Odluku o proglašenju neposredne ratne opasnosti Predsjedništva R BiH od 8.aprila 1992.g. (Sl. List R BiH br. 1/92).
19. Odluku o proglašenju ratnog stanja Predsjedništva R BiH od 20. juna 1992.g. (Sl. List R BiH br. 7/92).
20. Dopis komande brigade SV "Birač" od 28.05.1992.g. upućen štabu TO Zvornik.

21. Dapis SJB Zvornik broj: 12-1-01-1-207-4037/06 od 07.06.2006. godine.
22. Izvod iz knjige nestalih osoba MCKC za [REDACTED]
23. Izvod iz knjige nestalih osoba MCKC za [REDACTED]
24. Spisak radnika milicije SJB Zvornik koji rade u zatvoru broj: 01328578,
25. Spisak isplata ličnog dohotka za mjesec VII 1992. godine, Srpske Republike Srpske opštine Zvornik broj: 01328577.
26. Spisak zatvorenika Opštinskog zatvora Zvornik koji su otišli u razmjenu dana 10.01.1993. godine,
27. Spisak zatvorenika Opštinskog zatvora Zvornik koji se nalazi u zatvoru na dan 21.01.1993. godine,
28. Spisak zatvorenika koji se nalaze u zatvoru na dan 02.02.1993.g.,
29. Službena zabilješka sačinjena od strane stražara Marković Mileta i Petrović Dragana,
30. Spisak lica koja se predaju Sabirnom centru Batković od 12.02.1993. godine.
31. Medicinska dokumentacija IZU Dom zdravlja Živinice od 17.05.2007. godine na ime [REDACTED]
32. Rješenje Suda BiH broj: X-KRO-06/243 od 19.01.2007.g. o postavljanju branioca, advokata Rubež Nenada, osumnjičenom Marković Miletu,
33. Izvodi iz CIPS baze podataka za osumnjičene Lazarević Sretenu, Stanojević Dragana, Marković Mileta i Ostojić Slobodana,
34. Izvod iz kaznene evidencije za osumnjičene Lazarević Sretenu, Stanojević Dragana, Marković Mileta i Ostojić Slobodana.

